

## Yaiyim simiir bwamkibwam ima

*Yai nhirim* Adi Komii siir Yai win kibiya sair yaimwoki yaimwo nhir ima.

Disaipel Disaipelim yim kamim Jisis siir kigna mirii ima. Sima saika napyokiyokii miriigim. Mi siirama mi aingwo tibmiigim. Kamim iuur nwisko siir kigna miriyyim. Mi simiir inigim ini Mak 3:13-19 hir nwowim.

Aposel Aposelim yim kamim Jisis saikar mirii ima. Mi dimin taeminim siya tirim simiir nhwoki kigimimikim mi sima simiirin iki iikamim hinda tinda nwowim simiir boinmimauugim. Mi iya Jisis siya naonama mi ha swoki insiin idwowin mi iikamim sima kamim siir kigna miriyyim simiirin hiniina yikiu aposel inkam. Ti aposel inigin yio Grik simiir yaigin aeya. Ti inigin siir inig mwoki mwowin yio hiniingin. Kamim Adi Komii siya nikropkiyim sima.

Babilon Babilonin yio nu Irak simiir biigi biyan om komiigi komii ieya. Mi om komii Babilon hiran iikamimyim Isrel simiir iikamim sau omom nwokim mi sima sau simakar ninikim. Mi Babilon siir inig mwokimwowin yio hiniingi. Om biyie. Yokwo Komii saeya boina sair hiriinan, Tiki om komiyyin yio bidi tiodwomaigiyin mi tariinanin siya nwo rani. Mi yokwowa Jon siya winkiya Revelesen hirin yio hiniina win boinkikin Babilon siirin. Ya tariigina ya boiniyio yaiga. Mi siir inig mwoki mwowin yio hiniingin. Yio iikamim ti iirar nwoirkakim yipiki siyupai siyupaiyim sim nonkwowim simiir om komiigin.

Devid Devidin yio Jisis siir brougae ieya. Siya bidi bidiniyar nwokin mi Isrel simiir iikamim inigak inkam komii ieya. Mi siya inkamin bimbiuwi rani. Mi siya Adi Komii siiram naingwo tibmiigin. Mi siya Yokwo kasa bi winkin. Mi ta yokwowa saiir iniga Samka.

Farisi Farisi inkamim yim Judami piugana saiirgin. Yim ti kamim yim kamim kwoin whiruwa nwowiyim sima. Simiir kwoinim ti hiniina naingwokim, ti siyiu komiiyin Adi Komii si hauugiyin Mosesni yio ini sima nokwokin. Mi ti siyiu komiiyin yio ti hiniina boinkin. Krime ini siyiu miyik whiekakim simiirar wakaeyokna apim mi krime Adi Komii siir iikam miyik asi nwowi. Sima naingwoyimi yokni siyiuin siir wara bi nonkwokin, niingaka. Sima Jisis siiram bi naingwo tibmiigin mi sima hiniina boin. Siya Adi Komii siir yinisim tani. Jisis siya simiirin hiniina boin, simiir kwoinim pi whaowaekim mi sima Adi Komii siir yai aiir bi sibgu wakaeyokim mi sima ha bi boinmaugim simiirin. Siyati hiniina boinkikin.

Galili Galiliyin yio Isrel simiir nuin siir nu haimii whir ieya. Mi iya Jisis siya yinisim sapisapa niki owin mi siya hapaiirin siir yopii ado sowaka waiya nwokin. Sima omin Nasaret nikiuwiyin siir hir nwokin. Kamim Jisis siir kigna miriiyim yim Galili hirankim. Mi nu Judia hiran iikamim sima hiniina boinkim. Iikamim nu haimii Galili hiranim sima ninokninkin kwoin miyik karamaeka mi sima miyik rani. Sima ti hiniina boinkim.

Sabat Sabata ya iya Judami iikamim piu sima si-iskuwakiya dimin taemin tir karamae nwowiya iya Adi Komii siir inig hainaniya ya saeya. Ta iya ya Fraide naiowaka nwobwakainanamtibika mipi sarere

naïowaka digiribi. Mi inkam nwirin mi ta ii aiir mirii mi kamim siyu komiini yaimin dimin winiyim yim wi hiniina boini, siya miyar miriigin mi siyu komii siir siyu iir tauugakim, Mi sima siyu biye bidi tirim, Jisis inkam nwirin Sabat aiir mi hais-woniskiiyin. Mi kamim siyu komii ninokninkiniyim yim hiniina boinkim, siya dimin biye bidi tirin dimusi rani, sima hiniina naingwokim ma min hais-wonimniskiiya ya ini mi miriinan ywowa. Min kig Jon 5:1-18 Luk 13:10-17

Tempel Tempela ya omaka Adi Komii siir inig hainaniya yasaeya. Mi biya iya Solomon siya Juda iikamim simiir kigriraowan inkam nwowin mi Juda iikamim sima omaka komiiya Adi Komii siir inig hainaniya ta ii aiir miriigim. Mi iya Juda simiir sau omomin ha nitin mi ta omaka aiirin sima yinimnhikiigi. Mhoiia iya inkam komiiyin nu kigriraowiyin Herot siyar niki owa mi siya Juda iikamim simiir boin sima yaeya omaka ir swoki miriiyim. Mi sima ta omaka aiirin siiyani miriiga. Mi saeya biwi kasa bi nwoka. Mi iya Jisis siyar niki owa mi siya omaka aiir namkin Adi Komii siir inig hainanam. Mi mhoiia iya Rom hiran iikamim sima Isrel simaka niniya mi ta omaka aiirin sima yinimnhinkii iuguski. Mi Isrel hiran iikamim sima yaeya bi swoki miriigim. Adi Komii siir yaiya ta hiniina boinka. Iya Jisis swoki itana saeya kingiin nwowi mi sima yaeya omaka komiiya wi haini mirii Adi Komii siir inig iir hainanam. Ta omaka aiirin tokpisina hiniina dapika Tempel.

Pris Prisim yim kamim Adi Komii siir inig hainaniya omaka saiir mirii ima. Tiki kamim Pris mi miriigim. Sima Adi Komii siir yai aiir boinmimauwikim mi iriipi hiriinan sima Juda iikamim yipiki dimin

biyie tirim simiirsi ninkin imiyyaeikim. Yim ti kamim sima nhwo kwis boiniyim mi Tempel aiir mi kigriraowiyim.

Hetpris Hetprisin yio inkamin iki pris nhirim simiir kou nwowi ieya. Mi pris nhirim simiirin pi siyar nikropkii simiir yapayapa miyamin. Mi ti inkamin siya ninokninkin komiigkim mi Juda iikamim siyiupai siyiupaiyim pi siyar mi kigriraowi. Mi Juda hiran iikamim sima eleksena ina yonwowa mi sima hiriinan inkam kibi iirar swoki okmwın okwo haiginiu ta hiriinan miya saiir bi nwowamin. Mi siya ta hiriinan miya saiirar miriyoyokiyokiii mi wi siyar naobugi. Mi sima nwirin wi haini mi okmwın okwo haiginiwi.

Dimin whirki kimbu karamae nwowiya saeya. Taka maeyauwa dimin whirki kimbu karamae nwowa ya ini omaka Adi Komii siir inig hainaniya saiir mwowainibin digiwa nwowin siir nwokin. Mi Adi Komii siya hir nwokin. Mi hiriir namiyin biigi biyan Prisın saisar namikin. Mi biewibiewiyim siya hiriirin ii kwokwira kwokwira namtaraowikin. Min kig Hibru sapta 9

Profet Profetim yim kamim Adi Komii siir yai aiir nanaakninkii haiginiwi ima. Adi Komii siya simiirin nwonwira nwonwira nikiunakin mi siya simiirin ina yikropkiyin siir yai aiir boinmimauuamam. Mi iya dimin taeminki nimbiyamam tiriyim mi kamim pi simar nanaakninkii haiginiwi simiir bwamki bwamin. Yim sima siyium iikam ima tiriyin simiir boinhimnhinkigim. Mi iriipi hiriinan, diminin nimbiyamam tiriyin Adi Komii siya pi ti kam imiirar boinmimauwi. Mi sima pi iikam imiir swoki kwaboinmimauwi. Mi kam nhirim

## Glosari Adi Komii siir ipiyya siya nidwokaii aeya5Glosari Heven

yipiki niksisaeyim yim hiniina nikiuwikim niksisaeprofet. Mi kam imiirin yim Adi Komii siya bi nikiunakin simiirin mi ha bi nikropkikin.Niingaka. Mi yim sima Adi Komii siir yai aiirin sibgu sibgu bi boinmimauuwikim sima iikam imiirin hindara priiyiksasaekim.

Adi Komii siir ipiyya siya nidwokaii aeya. Adi Komii siya ipii komiyya saiir nidowkaiigin mi dimin taeminim pi siyar kigirkaki.Ta ipiyya ipii bimbiuwi rani mi saiirin bidi puaimwamwankikina. Mi ta ipiyya ya golni nonkwowkoka. Mi ta ipii aiirin inkam nwiirkin bi swoki idwowika. Saiirin Adi Komii saisar ndwokai kigirkakikin nu ninomor sowiir.

Grik Grikmi iikamim simiir om komiyyin Atens. Mi simiir nuin siir Griskin. Bidibidiniyarin simiir iikamim kasakasa rani mi sima iki nu whiekak nhirim simiirar kigirkakim.Mi iki nuim Grik sima kigriraowim simiir iikamim sima ini simiir siyiu imiirara mi apim, Grikmi iikamim yim Juda iikam tani mi niksisaeprofet kasa bi diriraerarkim mi sima ini simiir inig imiir hainanim. Mi mhoiyya Rom sima yaii Grik simaka yinii mi Grik simiirin Rom sima iyopakaiyiu mi Grik simiir om komii komiyyim ini Rom sima kigrirao irkakim. Mi Rom sima Grik simiir siyiuim kasaka bi wkaeyokna apkim mi ini Grik simiir yai aiirar mi imboboimim. Kamim ta yaiwin kibi aiir winim sima Grik simiir yai aiir winkim mi mhoiyya kam nhirim ta Grik simiir yai imiir kigim mi sima Adi Komii siir yaiwin kibiya yaiggin nhir hiniinim simiir win. Latin, Inglis, German mi yaiggin whiekak nhir ikim. Mi tariinan sima ini hiriinana miriyyokiyokiyim.

Heven Hevenin Adi Komii siir omkin. Iikam nhirim sima hiniina boini Adi Komii siir omin Hevenin ini

ninomor kou hir nwowin. Tiki omin bimbiuwi rani wadieki wadiekin, iikamim yipiki Jisis Kraiss siiram naingwo tibmiiyim wi simasimar nami, ti om iirin mi sima inokiiinokin wi hinar nwoyokiyokiikaeyami. Hibru Hibru ya Isrel sima boini aeya yaigina. Biyan Yokwo Komiiya sima sairin Hibru simiir yaigin aiir winkim.

Hisop Hisopin yio paeisim wirkin. Iya biyan Prisin siya mi nhir miriiyim mi siya pi ti pae iir haii mapi siir hppmaigi op o nhie imiir mipa niyairpasokami.

Isib Isibin yio nu komii whirkin ini Isrel simaka kingiin hir nwowin. Iikamim yipiki Isib hir nwowim sima Adi Komii siiram bi naingwo tibmiigim. Mi sima iki niksisaedi adi komii nhirim sima nonkwokwowim paeni mi nuni mi sima simiir inig imiirar hainan. Biya Juda inkam nwirin Jekop nikiuwiyin siya mi siir wiyinima sima Isib hiriir yam mi hir ini owiu. Mi siir yinisimim sima nwowim hapaiir biewiyim kamarim kamnwir {400} mi Adi Komii siya boinki Moses siirin mi siya Isrel simiir iikam imiirin iripa ha haingiriyiu omimirim mi sima Isib siir haiburgik mi ini Isrel hiriirar swoki amim. Mi Isib simiir kamim ii kasaka bi niniikim yaii Isrel simiir iikamim simaka. Mi Isib simiir iikamim sima niksisaedi adi komiiyim simiir hainanii siyiuin siirin ina haiburgikim mi sima Adi Komii kiin siirarar hainan iski. Mi sima siir inigin Ala dap mi sima Adi Komii siiraramar yaingwo tibmii sima Jisis Kraiss siiram wara bi naingwo tibmiikim. Niingaka. Sima naingwo tibmiini siyiuin siir bi nwokim.

Mastet Mastetin yio pae wirin siir inigin. Mastet nidin yio komii rani sapkapisimkin sima siir nid imiir haiigim mi nae minaka nikrimkrin aeikim.

Narin Narin yio paeisim wirkin iikam sima siir mi imiir

nopaiikim mi siirin pa sikini, mipi dimin taeminim  
 Adi Komii siir ninkin imiiaeyim pi simiir niyopki  
 mipi piuii miyikar whaki. Ti diminin siirin umir  
 prasae bi sainikin.

Salpa Salpain yio dimin whirkin siyanankin. Iya  
 iikamim sima siir nanagiyim mi siya huwa ha  
 kinkiyim mi siir piuwiya miyik bi whakika.

Samaria Samaria yio iikamim nu Samarianim sima, siya  
 ini nu Galili mi nu Judia sowiir bopwo hir nwowin  
 simiir siyiun yapakin mi Isrel simiir iikamim sima  
 hiniina naingwo rani, sima miyikim. Niingaka. Sima  
 ini sau omomnan ywowim.

SaionSaionin yio mhiu inigin. Mi om komii Jerusalem  
 siya ini ti mhiu iir waiyin. Mi iya Jisis siya om heven  
 siir haiburgigi nua tiriri swoki iti mi siya biyin wi  
 mhiu saion hiriirar niuuni.

Stoik Stoik kamim yipiki Juda simiir siyu komii  
 whir iir nonkwowim. Sima hiniina boinkim  
 yipiki kimpipisusi nidid karamae nwowim mi  
 yipiki maigimairga nwowam kinankiugiu karamae  
 nwowim. Mi ti sima kamim yipiki stoik simiir siyu  
 komii whir iir sibgu onkworinuwiyim. Ti sima  
 yaiyim sima boinim.

Livai Livai kamim yim Isrel simiir piugan kwir aeya.  
 Juda simiir brougaeyin Jepok siir yinisim nwir ieya  
 Livaeyin. Moses siya mi siir nomousimin Aron  
 sowayaowin Livai inkamko. Mi biigi bi nwowin  
 biyan pris inkamin Aron siyairgin. Mi mhoiia  
 Livai simiir kam whiekakim ini Adi Komii siir omaka  
 miriyan inkamkina ywowim. Mi ta mi aiirin piugan  
 kwiran inkamki bi miriigim Livai simiir kamim sima  
 sima miriigim.

Mana Mana dimin whirni inigin. Biya iya Moses  
 siya Isrel simiir iikam imaka nwowin mi sima ina

haiburgikim nu Isib hirin. Mi sima maeyau siiyin apa niinga siir hir nwokim mi sima naemin karamaeka. Mi Adi Komii siya simiirsi naingwoyimiyoikin mi siya iinokiinokin simiirin nae pa hauugi. Mi ti naeyim sima nugakarar hainakiyakwokikim mipa hainami simiir omaka hiriir mipa naei mi sima pi wadieyar nwowi. Min kig Eksodas 16:14-21 mi Nambas 11:7-9 Tikinim yim ini biyan Yokwo Komiiya saiir nwowim. Mhoiyya iya Jisis siya nwowa, siya hiniina boinkin. Karargin ti naeyin ninomor kou hiranin. Mi iikamim ti naeyin siir naei mi sima wadieya nwowi mi iinokiinokin wi hiriyar nwoyokiyokikaeyami. Siya hiniina boinkin. Min kig Jon 6:46-51.

Isrel Isrelin Juda simiir nuin siir inigin. Iya simiir brougaeyin Jekop siyar niki owa, Adi Komii siya siir inigin Isrel siir asi nikiugin. Mi mhoiyya sima mairgimairga ha nwowim ti inig iirimim mi ina boinim, krime Isrelni yinisimkim Juda iikamim sima min boinkim, simiir nuin siir inigin Isrelkin.

Juda Juda yio Isrel simiir iikamim simiir inig whir ieya. Mi iikamim Isrel hiranim simiir brougae nwirin Juda siyairgin. Siya Jekop siir yinisimkin. Juda Isrel simiir piugan kwir aeya. Mi Isrel simiir Inkam Komii Komiiyim simiir kigriraowim Juda piugana saiir hirirankinairgin. Mi Juda simiir piuganim iuur kwisko.

Judia Judia yio Isrel simiir nu haimii whirkin. Mi siir yaimwoki yaimwowa hiniinga. Inkamin Adi Komii siya nimbingiyin idowiiya napmiriyam mi siya. Mi sima hiriinan asi dapi Jisis. Mi Adi Komii siya nimbingikin siirin mi siirin ha nikropkikin iikamim simiir dimin bibiyeyim simiirsi naowim. Mi sima siirin Kraisi asi dapkim.

Rom Rom in yio om komii whirkin. Ti omin tiriinanin ina niki oyokiyokiyin mi ini nu komii Itali hir nwowin. Biya Rom sima kasakasa rani mi sima pi iki nu nhirim simiirar mi ami mi pi yai simaka ninii mi simiirin pi sima niyopakaiyuwi mi simiir nuin pi sima kigriraowi. Iya Jisis siya niki owa mi Isrel simiirin Rom sima kigriraokim. Mi tariinanin sima hiriinan tir tani.

Sam Sama ya biyan Yokwo Komii kwira saiir yokwo kwiraka. Mi Inkam Komii nu kigriraowiyin Devid mi iikamim Isrel hiranin ninokninkinkakim sima winka. Mi ta yokwo sama iya iikamim sima Adi Komii siir inig hainaniyim pi saiir mwai imiir kigmak waowi.

Sadyusi Sadyusi kamim sima Juda simiirar isid whirkin. Mi simiir kam whiekak nhirim sima omaka Adi Komii siir inig hainaniya saiirar miriigim. Mi iripa hiriinan simiir nhirim kaunsel kamargim. Farisi mi Sadyusi simiir siyiuim iripa rani, ini yapayapa ywowim mi simasima io asi ninwo anwowi. Mi Sadyusi sima hiniina boinikim, iya iki iikamim naonamiyim sima ie hiranki bi swoki insiin idwowikim. Niingaka. Simiir kwoinbudin hindira kiguguiuguskikin. Mi sima ha naingwowi Adi Komii siir om hirin iikam karamaeka mi Didu naopwai mi niksisae adi komii karamaeka. Mi dimin taeminim nimbiamiyim sima hiniina naingwowi, yim inkamki diriraerari, yim Adi Komii siya nonkwokwo rani. Niingaka.

Sisa Sisa yio Rom simiir yaiginga. Saiir yaimwoki yaimwowa hiniinga. Nu kigriraowan Inkam Komii gin.

Wain Wainin yio hiniina diriraerarin. Inkamin pi paeyin grep nikiuwiyin pi siir nid imiir whinhai. Mi ti paeyin pi siir hii imiir nonkwo nhaknaokainaowidi. Mi iki iya saeya whibaomaigiyim mi sima saiirin

pi haniingi kwiyaei. Mi Juda sima kwiyae op miyik karamaeka. Mi iya sima nae naeyim pi ta op wain anaka naekwiyaei. Mi iikamim ta wain op aiirin homgak kwyaenanaeyim mi sima pa kwiyae whaowaenami.

Baptais Baptaisa ya Yokwo Komii saiirin hiniina winboinka, Jon siya iikam kasakasa bi baptais haiginiugin ie Jodan hirin. Mi Jon siya simiirin hiniina boinkin, kima kimiir dimin biyeyim simiirin digiumii haimriyugik mi iikamim irira nwonwira wa nwoki ninokninkinim sima digiumii bidi haimriyugikim simiir dimin biye imiirin. Mi iikam nhirim yipiki Jisis Kraiis siirim naingwo tibiimiyim mi baptaisa ya min niisiimauwi sima naingwo tibiimian iikam bidi ywowim. Mi baptais saiir yaimwoki yaimwowa hiniinga. Ti inkamin op baptaisiyin yo hiniina niisiimauwi, siir kwoinin bidi kisina haigiyin mi dimin biyeyim siya tirim digiumii bidi haimriyugikin.

Hosana Hosana inigin yi min boinkin inkamin inigakin siir nokboinmamaikin. Yi hiniingin siir inig mwokimwoin Adi Komii siya wi siir nwoki hainan prapraskiyim.

Pailat Pailat siya Rom simiir nu kigriraowan inkam komii nwokin, yipiki biya omwai niki waiyan. Iya Jisis siya nwowa Pailat siya Isrel simiir iikam imiir kigriraokin.

Pasova Pasova ya Judain iikamim simiir ii komii kwir aeya. Mi ta iya iikam whiekakim mi bi miriigim. Mi sima Jerusalem hirir yam mi iyim iriyarkwisa ywo. Mi Adi Komii siir inig iir hainan mi nae komiia ina yaeya. Iya biya simiir yidiwi wanwiyayim nu Isib hir haiyim hik mi Adi Komii

siya simiir whindiriraerarkikin mi sima nu Isib siir haiburgikin mi ina yamim. Mi ta hiriinan saiir-sika biewi biewiyim sima ta pasova iya saiirimar naingwowikim mi pi Adi Komii siir inig iirar hainani.

Pentikos Pentikosa ya ii komii kwir aeya piu siisiya. Isrel hiran iikamim sima nonkwowiya biewi biewiyim sim. Mi iya pasova iya dig nwokiya wik iriyarkwiso sowiir mhoiia ii Pentikosa pa nimbiyami. Iya sima numiran sasaeyim sim ningugu haiiyim mi bali, ta iya saeya pentikos iya. Mi ta iya iikam whiekakim sima Jerusalem hiriir namikin mi pi omaka Adi Komii siir inig hainaniya saiir napninopkainamiyin mi naeyim pi Adi Komii siir hauwi. Pris inkamim sima wraisu pa nisom haii pa nanagi mi pa ninkin imiiaeki Adi Komii siir iikamim simiir dimin biyeyim simiir haiyopri-imdiyumigiyim. Taka iya ya iikamim naingwo tibmiyyim simiir ii komii wararga. Siyu hiniingin sima tiriiyin. Iya Jisis siya naowa mi siya ina swoki insiin idwowin mi ini ninomor kouwa hiriir yamin. Mi mhoiia kamim siir kigna miriyyim sima omaka iruwar nidwokai omimirkim Adi Komii siir naeyiu iirim. Adi Komii siir naeyiun ha nitin mi kirie simiir yauni hauuni. Mi sima ini yaiginpai yaiginpaiyim simiirar boinamim. Iya sima hiriinan boinim iikam whiekakim sima Krai siir yaiya ini simiir yaigiin aiirar wakaekiyim. Mi ta ii aiirin iikamim naingwo tibmiyyim simiir siyiun ini komiia ywokiyyin mi ta iya ya iikamim naingwo tibmiyyim simiir ii komii aeya piu siisiya. Min kig Aposel 2

Wit Witin yio naekin. Mi witnidim numir komii aiir ninkiniyim sima raisnan whaknainikim. Mi iya witnidim wai nwowiyim sima pa ninguguhaii mi sima

## Glosari Yis12Glosari Yaowae Adin ninomor kouwanki nitkin

simiirin pi siiyaka nobrombropi mi sima nanagiyim mipi bret nimbiyami mi sima pa naei.

Yis Yisin yio iikamim sima ninkin pridaiya iya sima bret nonkwowoyim. Sima yisin yipa haii mi yipa pridgi witplaua aka. Iya sima hiriinan tiriiyim, bretin yipa niyopinaini mipi komiia nwoki. Iya Jisis siya iikamim simiir nowomwarkaiyuwiyim siya ii nhirim boiniyio yai nhirim yipi yis siirar boini. Ta yaiya sair yaimwoki yaimwowin hiniinga. Yisin yio miyik rani.

Amen Amena ya hiniinga. Min kig Rom 1:25,9:5, 1Korin 14:16 2Korin 1:20. Juda simiir yaigiina ya hiniina boini, "Ti diminin siya dimbiyam saeya kaimwoarga" Mi iya inkam nwirki sriiiyim Adi Komii siirim mi iki iikam nhirim sima pi iripa kwoinar nwoki mipa boinki, Amen.

Yaowae Adin ninomor kouwanki nitkin Bidi bidiniyarin Profet inkam nwirin siir inigin Danielkin siya inigin min daphaiginiugin inkamin yipiki Adi Komii siya nikropkiyin siir iikamim simiir nanmaiwarkainaim mi simiir dimin biyie imiir haiyopriimdiyumiigiyim. Siir dimin mwoki mwowin yio ini Krai siir hiriinan ywowin. Jisis siya ti inigin siya siyar swoki kwaboinakin. Mi iya Jisis siya, siya siyar swoki dapnain Yaowae Adin ninomor kouwanki nitkin, siya boin siyairgin inkam Adi Komii siya nikropkiyin mi yipikin Adi Komii siir kiriekakin. Siya inkamargin mi iriipa Adi Komiiagin.

## Yai Win Kibiya

The New Testament in the Sepik Iwam Language of Papua New  
Guinea

Nupela Testamen long tokples Sepik Iwam long Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 13 Mar 2019 from source files dated 12 Mar 2019

5350dc83-93b2-5000-9c98-dcdb728ba84f